



ଗୀତିସ୍ବାୟୀ



ଡ: କାଳୀପ୍ରସାଦ ସିଂହ



শ্রী গোকুলানন্দ গীতিস্বামী

শ্রী কালীপ্রসাদ সিংহ

বিন্যাশ্রম, কচুধরম
শিলচর—৭

ছাপানিত — ষ্টার প্রেস, ধর্ম'নগর, উত্তর ত্রিপুরা

মূল্য—২০ টাকা

ସିନିଷ୍ଟ୍ରାଲ କଲ୍ୟାଣକାରୀ ଛି

ହମ୍ମା ବାସାଞ୍ଜିକ ଛି

ସମ୍ପଦକ ସମ୍ପାଦନା

୧-୧୨୩୪

ସିନିଷ୍ଟ୍ରାଲ କଲ୍ୟାଣକାରୀ ସମ୍ପାଦନା — ଗୁରୁତ୍ୱପୂର୍ଣ୍ଣ

କାଗି ୦୦-୧୨୩

সূচীপত্র

বিষয়	পৃষ্ঠা
১। বংশ পরিচয়	১
২। জন্ম শৈশব : শিক্ষাবৃত্ত	১
৩। মাধ্যমিক শিক্ষা	২
৪। সংস্কৃত শিক্ষা বারো বিবাহ	৩
৫। কর্ম জীবন : ২য় পত্নী গ্রহণ	৫
৬। সমাজ জীবন	৭
৭। গীতিস্বামী উপাধি	৯
৮। কর্মহীন জীবন	১০
৯। নাটক পালা কীর্তন	১৩
১০। রাজনীতি ক্ষেত্র	১৪
১১। শেষ জীবন : দেহত্যাগ	১৬
১২। সমাজের দৃষ্টিত গীতিস্বামী	১৭
১৩। গীতিস্বামীর যথার্থ পরিচয়	১৮
১৪। পরিশিষ্ট	২২
১৫। গীতিস্বামীর অরণীর উক্তি	২৮

ପ୍ରତିଷ୍ଠା

ପୃଷ୍ଠା

ପ୍ରତିଷ୍ଠା

୧	ପ୍ରତିଷ୍ଠା	୧
୨	ପ୍ରତିଷ୍ଠା	୨
୩	ପ୍ରତିଷ୍ଠା	୩
୪	ପ୍ରତିଷ୍ଠା	୪
୫	ପ୍ରତିଷ୍ଠା	୫
୬	ପ୍ରତିଷ୍ଠା	୬
୭	ପ୍ରତିଷ୍ଠା	୭
୮	ପ୍ରତିଷ୍ଠା	୮
୯	ପ୍ରତିଷ୍ଠା	୯
୧୦	ପ୍ରତିଷ୍ଠା	୧୦
୧୧	ପ୍ରତିଷ୍ଠା	୧୧
୧୨	ପ୍ରତିଷ୍ଠା	୧୨
୧୩	ପ୍ରତିଷ୍ଠା	୧୩
୧୪	ପ୍ରତିଷ୍ଠା	୧୪
୧୫	ପ୍ରତିଷ୍ଠା	୧୫
୧୬	ପ୍ରତିଷ୍ଠା	୧୬
୧୭	ପ୍ରତିଷ୍ଠା	୧୭
୧୮	ପ୍ରତିଷ୍ଠା	୧୮
୧୯	ପ୍ରତିଷ୍ଠା	୧୯
୨୦	ପ୍ରତିଷ୍ଠା	୨୦

শ্রীগোকুলানন্দ গীতিস্বামী

১। বংশ পরিচয়

উনবিংশ শতাব্দীর চতুর্থ পাদর কথাহান । বর্তমান বাংলাদেশের ভাঙ্গুগাছ অঞ্চলে জবুলা-নাঙর হুর্কাঙ নদী আহানর পায়ে মাধবপুর গাঙ । ঐ গাঙে আজিরস-গোত্রীর লেঙ্গালকেইর বিশিষ্ট সংস্কৃত পণ্ডিত আগো শ্রী ভৌবা সিংহ । গিরকর পিতৃদেব শ্রীমর্জুন সিংহ গিরকৌ তৎকালীন বিশিষ্ট সংস্কৃত পণ্ডিত আগো । ভৌবা গিরক সংস্কৃত পণ্ডিতগো অ'নাই তৎকালীন প্রথা অনুযায়ী দূরেই দূরেইন্ত অনেক শিক্ষার্থী আয়া গিরকর ঘরর সরসা হিসাবে থায়া অধ্যয়ন করলা । ভৌবা গিরকর গৃহিণী আমুতলা দেবী গিখানক নাঙকরা সংস্কৃতি সেবীগো আহিলী; গিখানকে বিভিন্ন স্থানে গিয়া রাস, বাসক, খুশাইছি, মুক্তাহরণ, কলকল্পজন ইত্যাদি নানা মন্বণর লীলাভিনয় শিক্ষা দিলো ।

২। জন্ম : ঠাশব : শিক্ষারম্ভ

মাধবপুরর ঐ ভৌবা পণ্ডিতর ঔরসে বারো আমুতলা দেবীর গর্ভত ১৮৯৬ খ্রীষ্টাব্দর ২৬ নবেম্বর বুধবারর দিনে বিয়ান প্রায় সাত বাকির সময়ত গোকুল বা গোকুলানন্দ জন্ম মিলোগা । গোকুলর আয়াক বেয়ক হগো — কৈরেঙ বারো জগৎ । গোকুল হাবির খুলাগো । ঐ সময়ত শিক্ষার সুযোগ-সুবিধা নাথানিয়ে ১০/১১ বছর পেয়া গোকুল ইস্কুলে যানা হা অকরেছে । ১১/১২ বছর বয়সে তা খানি ড'ঙর অ'ইল আয়ে ভৌবা গিরকে তারে রাণীবাজারর নিয় আইমারী বিদ্যালয়ত ভর্তি করেদিলো । ঐ বিদ্যালয়েত গোকুল ১৬ বছর বয়সে প্রাথমিক শিক্ষা সমাপ্ত করলো ।

গোকুল প্রাথমিক বিদ্যালয়ত আহিল সময়ত তার বেয়ক দ্বিয়োগো — কৈরেঙ সিংহ বারো জগৎ সিংহ — ত্রিপুরার রাতাহড়া গাঙে লাম অ'ওয়া গেলাগা । গোকুল তার ইমাবাবার

* গিরক এগো সমাজে 'গোকুল' নাঙেই পরিচিত অ'নাই এ গ্রন্থর বাকী ক্ষেত্রত তারে 'গোকুল' নাঙেই উল্লেখ করতাঙাই ।

লগে অনুস্থানে থাইল। তার প্রাথমিক শিক্ষা লমনির পিছে তাউ তার ইমাবাবার লগে রাতাছড়াত গিয়া হাবি তিলয়া থাইলাগা।

কনাক কালে গোকুলরতা নৈশবর চাকলা খানি আছিল: সেলকম চরকরানি, ফল চরকরানি ইত্যাদিলা তা গাঙর মানুরে মিয়াম হিন দিলো। ঐ কারণে তার মাতৃদেবীয়ে গাঙর মানুর অনেক কটুকথাউ ছনানি লাগেছিল। তবে গোকুলে এসাদে কাম করলোতা অসং মনোবৃত্তিলো নাগই; ইয়ে হালকা আনন্দ ভোগ করানিরকা। সাধারণত: তা চরকরলো ফল বারো সেলকম উতা বেছিয়া পইছা উতালো অন্যান্য খাদ্যদ্রব্য লয়া তার বন্ধুবান্ধবে কিতাই বাঢ়িয়া খেইলা।

ঘরর কামেদেউ গোকুল মিয়াম দক্ষ আছিল। তার মাতৃদেবী রাসাদি শিক্ষা দেনারকা বাহিরে প্রায়ই থাইলীগা; ঐ সময়ত গোকুলে বাসনপত্র পরিষ্কার করানি, ঘরছর সামালানি ভাত রাধানি ইত্যাদি ঘরকাম করলো।

৩। মাধ্যমিক শিক্ষা

রাতাছড়াত আহানির পিছে গোকুলর পিতৃদেবে তারে ইংরাজী শিক্ষারকা কৈলাসহরর R K. Institution-এ ভর্তি করেদিলো। উবাকা তা বিদ্যানগরে থায়া ইস্কুলে গেলগা। গোকুলর গুণ কতোহান উল্লেখযোগ্য, যেতা ছাত্রাবস্থাতেই প্রকাশ পাইল। তা খেলাধুলাত — বিশেষ করে ফুটবল খেলাত — পারদর্শী আছিল। উতার গজে ঐ সময়ত ভানুগাছে যুবকে কুস্তি বা লাকাটি রীতিমতো শিক্ষা বারো অভ্যাস করলা; ঐ শিক্ষাবারো অভ্যাসেত তা লাকাটিত মিয়াম দক্ষ অ'ছিল। চরিত্রর দিকে তা অত্যন্ত দৃঢ়মনোবৃত্তিসম্পন্ন এবং ন্যায়পরায়ণ আছিল। শিক্ষাক্ষেত্রত মিয়াম মেধাবী নাইলেউ তার রচনাশক্তি যথেষ্ট আছিল; ছাত্রাবস্থাতেই তার এ সামর্থ্য এহান বিকশিত অ'ছিল।

গোকুল কনাকেতই নীতিবাদী এবং ধর্মানুরাগী আছিল। কিন্তু ইংরাজী শিক্ষাত নীতি বা ধর্মীয় বিষয় রাধানিয়ে তা

ইংরাজী শিক্ষার প্রতি বিরক্ত আছিল। ইংরাজী শিক্ষারে তা মিয়াম হেৰু করে দেখলো এবং ঐ কারণে ইংরাজী শিক্ষাত ত মনোনিবেশ করে ছুরারালো। এ বিষয়লো বিদ্যালয়র প্রধান শিক্ষকর লগে তার বিবাদ আহানর সৃষ্টিও অ'ইল। বিবাদ উহান পরিশেষে এমন পর্যায়ে গেলগা যে, প্রধান শিক্ষকে তারে বিদ্যালয়েত বহিষ্কার করানিত্ত বাধা অ'ইল। ফলে গোকুলরতা অষ্টম শ্রেণীতই ইংরাজী শিক্ষা বাদ দেমা লাগিল।

৪। সংস্কৃত শিক্ষা বারো বিবাহ

ইংরাজী শিক্ষা বাদ দেনার পিছে গোকুলে সংস্কৃত শিক্ষারকা শিলচরর কচুধরম গাঙর মাইপাকসেনা রাজকুমার গিরকর ঘরে আশ্রয় নিলোগা। উপেই বছর আহান খায়া গোকুলে উপাধি পরীক্ষা দেনারকা প্রস্তুতি নিলোগা। মাইপাকসেনা গিরকর ঘরে থানার সময়ত গোকুলরতা অনেক কার্যিক পরিশ্রম করানি লাগেছিল এবং মাঠে গিয়া কৃষিকর্মউ করানি লাগেছিল। মাইপাকসেনা রাজকুমারর পিতৃদেবে গোকুলরে মাঠে পেঠুবানিরকা বিয়ান ফরানির আগেই তারে ঘুমন্ত উঠে-ইলো বুলিয়া গোকুলে তার প্রতি খানি অসন্তুষ্ঠো অ'ছিল। মাইপাকসেনা গিরকর পিতৃদেবে কিন্তু গোকুলর গুণাবলী দেহিয়া তার প্রতি আকৃষ্ট অ'ছিল। উহানে গিরকে তার আত্মীয় কাটাখালনিবাসী লিকলাইখোয়া গিরকর কন্যা নয়নসেনা রাজকুমারী লগে গোকুলর বিবাহর বন্দোবস্ত করলো। ফলে উপাধি পরীক্ষা দেনার আগেই গোকুলে ১৯২২ ইংরাজীত তার ২৬ বছর বয়সে নয়নসেনার লগে বিবাহবন্ধনে বদ্ধ অ'য়া কচুধরমেই থাইল। ঐ সময়ত নয়নসেনা ৭ বছরর কুমারীগো। তেই গোকুলর লগে কতোমাস থানার পিছে গোকুলে সরকারী সাহায্য পেয়া সংস্কৃত শিক্ষারকা আগরতলাত গেলগা। আগরতলা যানার সময়ত গোকুলে নয়নসেনারে কাটাখালে

তেইর পিতৃগৃহে থায়া গেলগা। আগরতলাত গিয়া গোকুল
রাধানগরে থায়া সরকারী চতুষ্পাঠীত সংস্কৃত ব্যাকরণ বাবো
কাব্যলো উপাধি তামকরানি অ'করলো। কিন্তু ঘটনাচক্রে
পরীক্ষার আগেই তারতা আগরতলার রাজকুমার বীরবিক্রম
কিশোর মানিকা বাহাদুরর লগে বিবাদ আহানর সৃষ্টি অ'নাই তা
আগরতলা ত্যাগ করানিত বাধ্য অ'ইল।

ঘটনাহান এহান : গোকুলরতা ফুলর প্রতি অত্যন্ত প্রীতি
আছিল এবং ফুলগাছরে তা অতি যত্নে লালন পালন করলো।
তা রাধানগরে যোগেশ্বর ঘরে আছিল, উগো বামনগো—রাজপুরো-
হিতগো। তার পুখুরীর পারগোত চাম্পা ফুলর গাছ আকজার
আছিল। আকদিন বিষানে মুনিশৌ কতোগোই আয়া চাম্পা
ফুল উতা ছিড়তে গিয়া তানু গাছ উজাষির ডালপালা
ভাগতারাহান দেহিয়া গোকুলে তানুরে উদাদে নাকরানিরকা
মাতলো। তার কথা উহান শৌ উতাই নানানিয়ে তানুর
লগে গোকুলর তর্কাতর্কি খানি অ'ইল। তর্কাতর্কি করতে
করতে গোকুলে ক্রোধবশে শৌ উতার অগ্রণী উগোরে কিল
বেললো। শৌ উগো আসলে ত্রিপুরা রাজকুমার বীরবিক্রম
কিশোর মানিকা বাহাদুর। তারে গোকুলে কিলছেহান ভিয়া
হাবিরে আতঙ্কিত অ'ইল। গোকুলেউ শৌ উগোর পরিচয়হান
পেয়া রাজদণ্ডর ডরে লগে লগে গোপনে আগরতলা পরিত্যাগ
করিয়া কুমিল্লাত গেলগা।

কুমিল্লাত গিয়া গোকুল সরকারী চতুষ্পাঠীত ভর্তি অ'য়া
বাবো সংস্কৃত উপাধি তামকরানি অ'করলো। কিন্তু এপেয়তো
সংস্কৃত তামকরানি না'ইল। কুমিল্লা যানার অল্প কিছুদিন
পিছেই তার পিতৃদেবর মরণাপন্ন অবস্থার খবর পেয়া তা
স্বাতাছড়াত গেলগা; কিন্তু তা ফৌজনির আগেই তার পিতৃদেব
দেহরক্ষা করলো। ফলে উপাধি পরীক্ষা দেনা লুপ্তরানিয়ে তা
স্বাতাছড়াতেই থাইল। পিতৃদেবর শ্রাদ্ধকর্মাদি লমনির পিছে
গোকুলর বেইবুনি হাবি খেয়ইল; গোকুলে উবাকা বিধবা
মালকর লগে থাইল।

গোকুলর পিতৃদেবর একান্ত ইচ্ছা আছিলতা — গোকুলরে গীতা ভাষকররানির । কিন্তু তার জীবৎকালে উহান সম্ভব নাইল । পিতৃদেবর ইচ্ছা পূরণ নামিয়ে গোকুলর অন্তরে বিরাট দুঃখ আহান থাইল, এবং মনোদুঃখে দিনর পর দিন তারতা ক'টে যারগা । ঐ অবস্থাত গোকুলে আকদিন হপনেদে দেহেরতা — তার পিতৃদেবে আরা তারে গীতার বীজস্বরূপ তিনগো অক্ষর উচ্চারণ করিয়া তারে মাতলো যে, এ অক্ষর তিনোগোর অর্থ বুজলেই তা গীতার তাৎপর্য বুজে পারতই । উবাকাত গোকুলে গুরু আসন্ন স্থাপন করিয়া গীতাপাঠ বারো পৃষ্ঠাক্রিয়া অরম্ভ করলো ।

৫ । কর্মজীবন : দ্বিতীয় পত্নী গ্রহণ

সময় উহানাত বাতাহড়াত কুনো ইস্কুল নেয়নিরে ঐ অক্ষরর নিভোলশো মুনিশোরে শিকা পান্না সুরারলা । অক্ষর উগোর এ অভাব এহান দুয়েই করিয়া উপেই শিকাপ্রসারর উদ্দেশো গোকুলে ১৯২৫ ইংসালীত তার প্রায় ২৮/২৯ বছর বয়সে নিজর খরচলো 'পূর্ব কাঞ্চনবাড়ী বুনিয়াদী বিদ্যালয়' — নাঙে প্রাথমিক বিদ্যালয় আগো স্থাপন করিয়া তা নিজে উপেই বিনা বেতনে শিক্ষকতার দায়িত্ব নিলোগা । সাত বছর পিছে সবকাবে বিদ্যালয় উগো পরিচালনার ভারহান নিলোগা । উবাকা গোকুল গিরকে বিদ্যালয় উগোর শিক্ষকগো হিসাবে বেতন পেইলোতা মাসে পাচটাকা করে । পরবর্তী কালে বিদ্যালয় উগোর কাঞ্চনবাড়ী বাতারে স্থানান্তরিত অ'ইল । বর্তমানর 'কাঞ্চনবাড়ী দ্বাদশশ্রেণী বিদ্যালয়' উগো গোকুলর স্থাপিত বিদ্যালয় উগোর পরিণত রূপহান ।

সময় উহানাত গোকুলর গার্হস্থ্য জীবনে ঘটনা আহানি ঘটিল : ক'টাখালর নয়ন সেনার লগে তার বিবাহর সময়ত কনার অভিভাবকে তারে মাদই গাঙর মাছুগো বুলিয়া হার নাপাছিল । ব্যাপার এহান হারপানির পিছে তান্নু নয়নসেনারে গোকুলরাঙ দেমাত অসম্মতি প্রকাশ করলা; গোকুলর মাতৃ-দেবীয়ে নয়নসেনারে আনাও যিতেগা নয়নসেনার অভিভাবকে

তেইরে দেনা না করল। ঐ কারণে গোকুলে ১৯১৬—২৭ ইং-
রাজীত তানুর কাদার চুড়াসিং গিরকর জিলক পদামুখীবে
গোপনে নিজের গৃহিণীগো করে নিয়া গেলগা। পদামুখীর বয়স
উবাকা ২/১০ বছর, এবং গোকুলর বয়স উবাকা ২৯—৩০
বছর। পদামুখীবে আনানির পিছে তেইর আত্মীয়স্বজনে গোকুলর
গজে হামলা করানির চেষ্টাত থাইলা; উহান হারপেয়া কতোদিন
বাহিরে বাহিরে থায়া কাটেইলো।

এবেদে নয়নসেনা পূর্ণ বয়স্কা অ'ইলীহান দেহিয়া তেইর
অভিভাবকে তেইরে অমা পাত্রত দান দেনার চেষ্টা করানি
অ'করল। নয়নসেনারতা কিন্তু গোকুলরাঙ যানারেই ইচ্ছা।
তেই গোকুলর আত্মীয় থকইরী কাটাখালর মাদইগাঙ বহক
আগোর মাধ্যমে গোকুলরাঙ চিঠি দিয়া তেইর অন্তর ইচ্ছা
এহান জানেইলো। চিঠি উহান পেয়া গোকুলে তেইরে আনা-
নিয়কা বন্ধু কতোগোরেলো। কাটাখালে গেলগা, কিন্তু তেইরে
নেনার কুনো সুবিধা করে মুরারলো। উবাকা গোকুলে কেশল
আহান নিক'ললো : তা নিজর খরচালো। কাদার শিবমন্দির
আগোত পূজা আহানর আয়োজন করলো। নয়নসেনার লগে
সত থাইল যে, ঘরর মানু হাবি যেবাকা পূজাত যিতাইগা,
উবাক নেই আকখুলীগো ঘরে থানা। পরিকল্পনা অনুযায়ী
তেইর ঘরর মানু হাবি পূজাত গেলগা; নয়নসেনা আকখুলীগো
ঘরে থাইলী। ঐ সূযোগে গোকুলে তার বন্ধুবন্ধব উতার
সাহায্যলো নয়নসেনাবে হাতাছড়াত নিয়া গেলগা।

গোকুলর দ্বিতীয় স্ত্রী পদামুখীর ১৩ বছর বয়সে পুতোক
আগো জন্ম অ'য়া লগে লগে মৃত্যুমুখে পড়িল। উতার পিছে
১৯৩০—৩১ ইংরাজীত গোকুলর ৩৫/৩৫ বছর বয়সে এবং পদা-
মুখীর ১৫ বছর বয়সে তেইর গর্ভত মিঙোল অ'গো জন্ম
নিলোগা; মিঙোল উগোর নাঙ বোহির্গা। নয়নসেনার গর্ভত
কিন্তু কুনো শৌজিপুত না'ছি।

৬। সমাজ জীবন

গোকুলরতা কনাকতো পুরিত সমাজপ্রীতি আহান আছিল। বয়োবৃদ্ধির লগে লগে ঐ সমাজপ্রীতি উহান পরিপক্ব অ'না অকরলো, এবং সমাজ এহান শিক্ষার অভাব এবং অজ্ঞানাকারে বহিষ্কার আচ্ছন্ন অ'য়া আছি এহান দেহিয়া তা সমাজ এহানরে শিক্ষার আলো দেহা দেনাবকা এবং অন্ধ সংস্কারে মুক্ত করানিরকা অবিরাম চিন্তা করানি অকরলো। তার চিন্তাধারা এতা ক্রমে এলার মাধ্যমে নিকুলানি অ'করলো। উব কা তার বয়স ২৯—৩০ বছর।

এসাদে সমাজচিন্তা জাগিল সময় উহানাত আকথুকম গোকুলরতা আমার আদিনিবাস বা পূর্ব মাতৃভূমি মণিপুর দেহানির প্রবল ইচ্ছা আহান জাগিল। ঐ সময়ত মানুরে লক্ষ্মীপুর-জিরিবাম অ'য়া পদব্রজে মণিপুর যাতায়াত করল। গোকুলেউ ঐ পথে মণিপুরে যানারকা লক্ষ্মীপুর পর্যন্ত গিয়া সঙ্গী মানুর অপেক্ষা করিয়া দোকান আহানাত বয়া আছে। ঐ সময়ত মণিপুরী (মেইতেই) গিথানক আগোই হুকান উহানাত আয়া মালিক উগোয়াঙ আগে আগে বেছেছে চৌলর বাকী রূপা খানি আছে উতা মাতাত লাগেছে। তানুর কথাবার্তাত গোকুলে হাপেইলো যে গিথানক উগোই আগেউ কতোবার রূপা উতা নেন'ত আয়া নাপেয়া গেছেগা। উহানে তেই খানি শৌখিয়া ততার'ছে উপেই মালিক উগোই তেইরে গারগোত ধরিয়া ঠেলাদে ঠেলাদে আনিয়া গোকুলর মুঙে উহানাত আছা-ডেয়া বেলাছে। কুনো কুনোগোরাঙতো হনলাঙতা, মালিক উগোই মণিপুরী গিথানক উগোরে মাটিত দীঘলগো করে বেলা-ছিল উনি।

যেতাউ অ'ক, মণিপুরী গিথানক উগোর প্রতি মালিক উগোর এ হুবাংহায়ে ক্ষুব্ধ অ'য়া গোকুলে প্রতিবাদ জানেইলো, এবং তার লগে তর্ক করতে করতে তারে থাপর আহানিও দিয়া

বেললো। এসাদে হৈ চৈ অ'রউহান ছনিয়া চারিবারাৰ মানু
পুলনি অ'করল। বিদেশ হানাত ভারতা বিপদে পড়ানি
অ'ইউইহান দেহিয়া গোকুলে মানুৰ অগোচৰে তুহা করে উপে-
ইতো সেচে পড়িলগা। বাৰাদেহ মণিপুৰী গিথানক উগোৰ নাঙ-
ঠিকানা লয়া তানুহাঙ গিয়া আকদিন থাইলগা। ঘটনা এহানে
তাৰে এমনভাবে আন্দোলিত করলো যে, তা মণিপুৰে নাগিয়া
উপেইতো পুৰি ঘৰে ফিৰিল।

ঘটনা এহানে গোকুলৰ সমাজপ্ৰীতি উহানৰে আৰতাউ
জাগ্ৰত কৰেদিলো। এ সমাজৰ অশিক্ষিত ইমাইন্দোল এতা
বাৰাৰে গেলগা অন্য জাতৰ মানুৰে তানুৰে হেৰ বা তুচ্ছ
ভাছিল্য কৰুতারা এহান অনুভব কৰিয়া তা ইমাইন্দোলৰে
বাৰাৰে যানী বন্ধ কৰানিরকা চাৰিয়বারাদে প্রচার কৰানি
অ'করলো। উতার লগে তা ইমাইন্দোলৰে বাজৰে যানার
পরিবৰ্তে কুলিকাটুনি বারো ললৰ কামলো অর্থ উপার্জন কৰানির
পরামর্শ দিলো।

এপেই কথা আহান মাতানি যাকৰেৰ যে, সমসাময়িক
কালে (১৯৩০—৩৬ ইংৰাজীত) তানুগাহৰ বিক্ষুব্ধতা মণি-
পুৰীয়ে তানুৰ প্ৰতি তানুৰ অমিদারৰ অনায়া ব্যবহারৰ বিরুদ্ধে
বিরাট আন্দোলন আহান গড়িয়া তুলেছিল। উতার গজে,
তৎকালীন সমগ্র ভারতবর্ষে মহাত্মা গান্ধীৰ জাতীয়তা বা
স্বাদেশিকতার আন্দোলনৰ লগে স্বহস্তে নিৰ্মিত পুতি সিদানিৰ
আলোড়ন আহানো চলেছিল। এ ঘটনা এতাৰ প্ৰভাব থানিও
অবশ্যই গোকুলৰ গজে পড়েছিল যেহানে তাৰ জাতীয়তাবোধে
আৰতাউ ইন্ধন যোগেইলো।

যেতাউ অক, এ জাতীয়তাবোধৰ আদৰ্শ প্ৰচার কৰতে
গিয়া সমাজ এহানৰ বিভিন্ন কুসংস্কার, কুপ্ৰথা, অন্ধতা, বারো
অন্তৰ প্ৰতি গোকুলৰ দৃষ্টি পড়িল; ফলে এতা হাৰেৰ বিরুদ্ধে
তা সোচ্চার অ'য়া উঠিল। তাৰ আন্দোলনৰ মূল লক্ষ্য

অ'ইলতাই— মাতৃজাতিরে যথার্থ সম্মান দেনা, জাতীয়তা বোধ জাগ্রত করানি, সমাজৰ নৈতিক উন্নতি সাধন করানি, সমাজে শিক্ষার প্রসার করানি ইত্যাদি। সমাজ সংস্কারৰ এ বিভিন্ন অঙ্গ এতা বিষয়ে তার বক্তব্য উতালো এলা রচনা করিয়া গোকুলে বিষ্ণুপ্রিয়া সমাজৰ বিভিন্ন অঞ্চলে বুলে বুলে উতা ছনুৱানি বা প্রচার করানি অ'করলো।

৭। 'গীতি স্বামী' - উপাধি

ঐ সময়ত বিষ্ণুপ্রিয়া মণিপুরী ভাষালো এলা দেনাৰ বা সাহিত্য রচনাৰ রীতি সমাজে নাহেছে। গোকুলৰ এলা ছনিয়া সমাজে হারপেইলা যে, এভাষালো এলা দেনা বা সাহিত্য রচনা করানি থাকেবৰ। উহানে সমাজৰ মানু স্বভাবতঃই গোকুলৰ এলাৰ প্রতি আকৃষ্ট অ'ইলা। তার সমাজ সংস্কার বা সমাজ জাগরণ মূলক এলা সাধারণতঃ কীর্তনৰ সুরে বা কীর্তনৰ নমুনালো পরিবেশন করানিয়ে তা সমাজে গোকুল কীর্তনী নাঙে পরিচিত অ'ইল। গোকুলৰ সমাজদৰ্শন বাবো সমাজ সংস্কারৰ বিষয়ে তার প্রচার বা বক্তব্য ছাবি এসাদে এলা বা গীতিৰ মাধ্যমে অ'নাই, এবং তার গীতৰ বিষয়বস্তু বাবো পরিবেশনালো উদ্ধৃক অ'নাই তৎকালীন সমাজৰ নেতৃ গিরকগাছিৰ সৌজন্যে বিষ্ণুপ্রিয়া মণিপুরী মহা সম্মেলনে তাৰে 'গীতিস্বামী' উপাধি দেনা অ'ইল। উপাধি এহান দেনাৰ সময়ত তৎকালীন বিষ্ণুপ্রিয়া সমাজৰ অগ্রগণ্য সমাজসেবিকা শিংশানিবাসী যামিনী গিথানকে গীতিস্বামীর কণ্ঠত রূপাৰ মেডেল বাবো মুরগোত কৈয়ং আহান পিদাদেছিল।

তবে 'গীতিস্বামী' উপাধি এহান কুন সালে এবং কুন ফামে দেনা অ'ছিল, এহান সমন্ধে মতভেদ আছে। উপাধি এহান ১৯৩৩ ইংরাজীত ভকতপুরৰ সম্মেলনে দেনা অ'ছিল বুলিয়াই অধিকাংশ গিরিগিথানীৰ মুখে শু ছনলাঙ।

এ মতে উপাধি এহান দেনা অ'ছিলতা মহেন্দ্ৰ কুমাৰ সিংহ,

কৃষ্ণকুমার সিংহ ইত্যাদি গিরকগাছির সৌজন্যে । আৰাক মত আহানাত ছনলাওতাই, উপাধি এহান দেনা অ'ছিলতা ১৯৩৮ ইংৰাজীত কমলপুৰৰ মহাসম্মেলনে । এ মতে উপাধি এহান দেনাৰ প্ৰস্তাব কৰেছিলীতা ষামিনী গিথানকে, এবং ঐ প্ৰস্তাব সমৰ্থন কৰেছিলাতাই সভাত উপস্থিত অ'ছিল। মণিক সিংহ, ফাল্গুনী সিংহ, গোসাই সিংহ (বারোমুনি) গিৰীশবাবু সিংহ, কুঞ্জেশ্বৰ সিংহ, রাধাবল্লভ সিংহ ইত্যাদি গিরকগাছিয়ে ।

উপাধি এহান দেছি সময় বা স্থান সম্বন্ধে মতভেদ থাইলেউ এহান কিস্তি নিশ্চিত যে, গীতিস্বামী উপাধি এহান দেনা অ'ছিলতা ১৯৩৮ ইংৰাজীৰ ডিছেম্বৰ মাহৰ আগে; কাৰণ মণিপুৰী পত্ৰিকাত উল্লেখ আছে যে, ১৯৩৮ ইংৰাজীৰ ২৭ ডিছেম্বৰ “গোকুলচাঁদ গীতিস্বামী”য়ে ভকতপুৰৰ “নিখিল বিষয় প্ৰিয়া মণিপুৰী সম্মিলনী”ৰ দশম অধিবেশনে এলা দেছিল । সময় উহানাত গীতিস্বামীৰ বয়স প্ৰায় ৪২ বছৰ ।

যেতাউ অ'ক, গোকুলৰে গীতিস্বামী উপাধি দেনা অ'ইল সময় উহানাত কিস্তি, তাৰ সমাজসেবাৰ পৰিকল্পনা বা কাম যথার্থ ৰূপ পাপাছে; উহান তাৰ সমাজসেবাৰ প্ৰাথমিক পৰ্যায়হান মাত্ৰ । পৰবৰ্তী কালে বিভিন্ন ঘাতপ্ৰতিঘাত এবং ব্যক্তিগত অনুভূতিৰ ফলে তাৰ আন্দোলনে আৱতাউ চুৰা চুৰা বিষয় সংযোজিত অ'না অ'করলো ।

৮। কম'হীন জীবন

সমাজসেবাৰ কামে সাৰাঙ্গণ ব্যস্ত থানাই গীতিস্বামীৰতা প্ৰায়ই বিদ্যালয়ে অনুপস্থিত থানা লাগিল । ঐ সময়ৰ বিদ্যালয় পৰিদৰ্শক উগো গীতিস্বামীৰ ইংৰাজী শিক্ষকগো; উহানে তা গীতিস্বামীৰ বিৰুদ্ধে কোনো পদক্ষেপ নানলোগা । এসংদে কৰে গীতিস্বামীৰতা আট বছৰৰ চুৰা গেলগা । পৰবৰ্তীকালে ৰাজবাড়ীৰ নিতাইচান সিংহ বিদ্যালয় পৰিদৰ্শকৰ পদে নিযুক্ত অ'নাৰ লগে লগে তা গীতিস্বামীৰে শিক্ষক পদে

বরণাস্ত্র করেদিলো । উবাকা গীতিস্বামীর মার্ত্তদেবীর নিতাইচান গিরকর আতহানাত ধরিয়া তেইর পুতোকরে চাকরিত্ত বখোস্ত নাকরেদেনারকা অনুন্নয় বিনয় করলো, কিন্তু অনুন্নয় বিনয়ে কিস্তাউ কানা ন'ইল ।

গীতি স্বামীর চাকরি গেলগা সময় উহানাত তার বয়স অ'ছিলতা ৪২-৪৩ বছর । ঐ সময়ত তা তার নিককতারকা মাসিক বেতন পেইলোতা ত্রিশ টাকা । চাকরি খানার ফলে বেতন উহান নাপানিয়ে গীতিস্বামী দারিদ্র্যর কবলে পড়িল ; কিন্তু তথাপি তা সামাজিক কামেন্দু বিচ্যাত নাইল ; বং অ'র-তাউ নিষ্ঠা সহকারে সমাজর কামে বা'পিয়া পড়িল ।

সময় উহানাত প্রাচীনপন্থী বিষ্ণুপ্রিয়াই মেইতেই ভাষা ততারলে গোবববোধ করলা এবং কান্তিকর পালি বা অন্যান্য অ'রুষ্ঠানে ধর্মগ্রন্থ ব্যাখ্যা করলাতাউ মেইতেই ভাষার মাধ্যমে । গোকুলে রীতি এতার বিকল্পে প্রচার করানি অ'করলো এবং কাম এতারকা তার অনুগামী যুবক দল আহান হঙকরলো ।

আরাক আকবেদে বারা মধ্যশিক্ষিত বিষ্ণুপ্রিয়া গিরিগিথানী আকতাই ভাষা বারো পুষাকে মিয়াঙ মালনির ধুমেল অ'করছি । এ মিয়াঙ মাল্লা গিরিগিথানী এতার বিকল্পেউ গীতিস্বামীয়ে প্রচার করানি অ'করলো এ দিক এহানাদে গীতিস্বামীয়ে পইলা অ'মাটিক গভীরভাবে মনোযোগ নাদেছিল ; কিন্তু বিশেষ ঘটনা আহানর ফলে গীতিস্বামীর সমাজদর্শন বা সমাজচিন্তার দিক এহান ছুঁয়া করে আগিয়া উঠিলতা ।

ঘটনাহান ঘটেছিলতা এসাদে : আকদিন গীতিস্বামীয়ে তার (বেয়কর) জিলকরে (সেনাচাউবীরে*) লগে করিয়া বেলপথে তেইর স্বামীগৃহে নিয়া গিয়াছিলগাতা । উবাকা পরিধানে আছিলতা শাড়ী । তানু ছিযোগো বেরষ্টেশনগো লালয়া গাঙর পথেদে যানার সময়ত বাঙালী কতোগো পথ উগোদে

যিতারাণা উতাই গীতিস্বামীর জিলকর বারাদে চেয়া ব্যঙ্গসুরে
মাতলা — “চেইয়ে, মণিপুরী এতাই তানুর নিজর পুষাক
বেলেয়া কতি বাঙালী মালনি হিকতাবাতা । ” ব্যঙ্গ এহান
কানে আহানিয়ে গোকুলবতা অপমানে অহুতাপে গারিগো
ডহিয়া হদেইল পারা । গাছ আকজারিব তলে খানি
জিবেয়া মেইথংহান খানি মাঠিয়েয়া গারিগো আকরণ
আহান দিয়া হজাক অ’ইল পারা । উদিনেত্ত গীতিস্বামীয়ে
বিষ্ণুপ্রিয়াৰ পরানু-করণ — বিশেষ করিয়া বাঙালী মালনির
মানসিকতা এহানর বিরুদ্ধে সংগ্রাম করানি অ’করলোতা ।

নব্যশিক্ষিত বিষ্ণুপ্রিয়া গিরিগিথানীর জীবন ধারার
সমালোচনা করতে গিয়া গীতিস্বামীর দৃষ্টিত তানুর আরাকৌ
অসংখ্য দোষ জাসিয়া উঠিল । তা দেহের, শিক্ষাখানি
পেইবাতাই বিষ্ণুপ্রিয়া গিরকগাছি এতা স্ত্রীর পৰম ভক্ত
অ’পড়তারাণা : তানুর ইমাবাবার কঠোর পরিশ্রম বারো
হুঃখ কষ্টে তানুর দৃষ্টিতৌ নাপড়ের ; অথচ তানুর গৃহিণী
বারো শ্বশুর — শাশুরীয়ে বিন্দু আহানি হিনপেইলেউ তানুর
হুঃখে শিক্ষিত গিরকগাছি আঠুঠটু বাগিয়া পড়তারা । উতার
গজে ধনীগোষ্ঠীর বিলাস-ব্যসন, হুঃখীদরিদ্রর প্রতি তানুর
অনুকম্পার অভাব ইত্যাদি দেহিয়া মর্মান্বিত গীতিস্বামীয়ে এতা
ছাবি মানসিকতার বিরুদ্ধেই প্রচার করানি অ’করলো ।

Foot-note : অনেকে গীতিস্বামীরে তার জিলকর লগে
যিভেগা ঘটনা এহান ঘটেছেহান বুলিয়া উল্লেখ করেছি ; কিন্তু
উহান যথার্থহান নাগই : তার একমাত্র জিলক রোহিণী দেবীয়ে
মাতলো যে, ঘটনা এহানর লগে তেইর কোনো সম্বন্ধ নেই ।
তেইর বক্তব্যর সপক্ষে তেই আরতাউ মাতলো যে, তেই
জীবনে কুনোদিন শাড়ী নাপিদেহে ।

৯। নাটক পালা : কীর্তন

গীতিস্বামীয়ে বিষ্ণুপ্রিয়া মণিপুরী সমাজর সামগ্রিক সংস্কার সাধনরকা একরকম ঘরদুয়ার বেলেয়া সমস্ত শক্তিলো কামে লামিলতা ১৯৪০ খ্রীষ্টাব্দত অর্থাৎ তার ৪৪-৪৫ বছর বয়সেস্ত । গিরকে চারিবিবেদে সমাজর কুপ্রথা, কুসংস্কার, বিবেকহীনতা ইত্যাদির বিরুদ্ধে প্রচণ্ড আঘাত হানিয়া তার বক্তব্য প্রচার করানি অ'করলো । তার হাবি আন্দোলন, হাবি প্রচার, হাবি প্রতিবাদ বা বক্তব্য প্রকাশ পেইলোতা তার গীতিকার মাধ্যমে । তার এ প্রচারকার্য্যে শক্তিশালী কথানিব্বকা গীতিস্বামীয়ে তার বক্তব্য বারো গীতিকা এতা সংযোজন করে করে 'মাতৃমঙ্গল গীতাভিনয়' বারো সমাজ-সংস্কার নাটক নাটক হুহান রচনা করলো, বারো নয়দশগো মানুলো ভ্রাম্যমাণ নাটক উতা অভিনয় করে করে বুললো । দল উহানাত নিঙোলপীর প্রধান ভূমিকাত আছিলতা গীতিস্বামীর জেঠা বৈয়ক কৈরেঙর জিলক সেনাচাউবী, বারো পুরুষর প্রধান ভূমিকাত আছিলতা তা নিজে ।

গীতিস্বামীরতা কনাকতো ধর্মর প্রতি অচুরাগ আহান আছিল । চাকরি যানার পিছেস্ত পুরি তার ধর্মাত্মর আগ্রহতাউ বৃদ্ধি পানা অ'করলো এবং স্বীতিমতো সাধনভজনর মার্গ অবলম্বন করলো । তার এ ধর্মীয় অনুভূতির লগে সমাজদর্শন মিলেয়া তা ধর্মীয় কীর্তনাদিত বিষ্ণুপ্রিয়া মণিপুরী ভাষা প্রবর্তনরকা সচেষ্ট থ'ইল । এ সময়ত তা বিষ্ণুপ্রিয়া মণিপুরী ভাষালো রাধাকৃষ্ণর বানক, মান, মোহিনীবংশ মাথুর ইত্যাদি লীলাগীতি এবং ইসালপার উপযোগী নিতি এলা রচনা করিয়া উতা এলা দিয়া দিয়া বুলানি অ'করলো । উবাকা মানুবে হাবপানি অ'করলো যে, বিষ্ণুপ্রিয়া মণিপুরী ভাষালো রাধাকৃষ্ণর গভীর প্রেমলীলা প্রকাশ করানি হাকবের । পরবর্তীকালে গীতিস্বামীর একমাত্র জিলক মোহিনী দেবীয়ে

ধাসক, মোহিনীবেশ, মাথুর — এ লীলাগীতি এতা প্রচার
করলো এবং শিষ্যকতোগৌ হঙকরলো ।

১০। রাজনীতি ক্ষেত্রত

১৯৫০ ইংরাজীত, অর্থাৎ ৫৪/৫৫ বছর বয়সে গীতি-
স্বামীরতা রাজনীতিক্ষেত্রত নুৰা জীবন আহানর সূচনা অ'ইল ।
তা পইলাদে কংগ্রেছ ভাৰাপন্ন আছিল এবং মহাত্মা গান্ধীৰ
জীবনদৰ্শনলো প্রভাবিত অ'ছিল । গান্ধীজীৰ স্বাদেশিকতার
দৰ্শনর প্রভাবে তা ধূতি পাঞ্জাবী ইত্যাদি তার নিত্য ব্যবহার্য
পুতি হাবি তা ঘরে বুনা পুতিলো হঙ করিয়া ব্যবহার করলো ।
পিছে পিছে তারতা ধারণা আহান আহিল যে, এতা কামলো
সমাজর কোনো প্রত্যক্ষ উপকার না'র । এসাদে চিন্তা কবের
সময় উহানাত পাথারকান্দীর কমানিষ্ট নেতা রাখাল রাজকুমার
নব্য ভারত সরকারর ডরে আয়গোপন করিয়া রাতাহড়াত
আহেছে । তারাত্তো কমানিষ্টর নীতি বারো মতবাদর কথা
ছনিয়া গীতিস্বামী কমানিষ্ট মতবাদর দ্বারা প্রভাবিত অ'ইল
এবং ঐ মতাদর্শে জীবন পরিচালিত করানির ব্রত নিলোগা ।
ঐ সময়ত তা এ নতুন মতাদর্শ অনুযায়ী বাংলাভাষালো
গীতিকা রচনা করলো এবং সভাসমিতিত ঐ গীতিকা পরিবেশন
করিয়া মানুর দৃষ্টি আকর্ষণ করলো ।

১৯৫২ ইংরাজীত ত্রিপুরার টেরিটোরিয়েল কাউন্সিল
(পরবর্তী কালর বিধান সভা) গঠনর নির্বাচন অ'ইল উবাকা
গীতিস্বামীয়ে কমানিষ্ট দলর প্রার্থী হিসাবে ফটিকরায় কেন্দ্রত
প্রতিদ্বন্দ্বিতা করলো । তার প্রতিদ্বন্দ্বী অ'ছিলাতা কৈলাসহরর
স্বামকৃষ্ণ মহাবিদ্যালয়র অধ্যক্ষ সচ্চিদানন্দ ধর । তায়ে বিপুল
ভোটে পরাজিত করিয়া গীতিস্বামী কাউন্সিলে নির্বাচিত
অ'ইল । ১৯৫৭ ইংরাজীত অনুষ্ঠিত দ্বিতীয় নির্বাচনেউ তা
প্রতিদ্বন্দ্বিতা করলো এবং তার প্রতিদ্বন্দ্বী কংগ্রেছ প্রার্থী
মাথুর মালাকারয়ে বিপুল ভোটে পরাজিত করিয়া পুনরায়

কাউন্সিলে নির্বাচিত অ'ইল। এ সাদে কবিয়া গীতিস্বামী ১০ বছর ত্রিপুরা টেরিটোরিয়েল কাউন্সিল বা বিধান সভার সদস্য আছিল। ঐ সময়ত তার বাকশক্তিলো তা বহু মান্তর দৃষ্টি আকর্ষণ করেছিল। বিধান সভাত তার ভাষণ জনানিরকা অনেকেই আগেক সভাকক্ষত আসন সংরক্ষণ করিয়া থইলা।

ত্রিপুরা বিধান সভার তৃতীয় নির্বাচনে গীতিস্বামী অংশগ্রহণ নাকরেছে। ঐ সময়ত তা কংগ্রেছর লগে সম্পর্ক থয়া চলেব বুলিয়া C P I দলর পক্ষর মানুবে তারে সন্দেহ করানি অ'করলা। এ সন্দেহর মাত্রা ক্রমশঃ বাড়তে থানাই C P I দলেত তার গজ দলগত অনেক বিধিনিষদ আরোপ করানি অ'ইল। ১৯৬১ ইংরাজীত তার রক্তচাপ বৃদ্ধি পানাই এবং দেহগোর দিক আহানাদে অর্ধাঙ্গ বা পক্ষাঘাত (Paralysis) অ'নাই গীতিস্বামী চিকিৎসারকা শিলচরে গেলগা। ঐ সময়ত ত্রিপুরা কাউন্সিলেত প্রতিনিধি আগো নির্বাচিত করিয়া দিল্লীত পেরুবারনির প্রয়োজন অ'ছিল। কংগ্রেছ বারো C P I এ বিয়োদলেস্তো প্রার্থী দিলা। সদস্যর ভোটে যোগো জয়ী অ'ইতই উগোই দিল্লীত প্রতিনিধিগো অ'য়া দিল্লীত যান। এ ব্যাপারে কংগ্রেছ বারো C P I-র ভিতরে ভীত প্রবিধন্দিতা দেহা দিলো। উবাকা রাখাল রাজকুমারে শিলচরে গিয়া গীতিস্বামীরে আগরতলাত গিয়া C P I র পক্ষে ভোট দেনারকা অনুরোধ করলো। কিন্তু গীতিস্বামীর ভাক্তরগোই তারে যানি নিষেধ করলো, গীতিস্বামীয়েউ 'এমনেউ C P I-র সদস্য সংখ্যা কমছি. মি গিয়া ভোট দিয়াউ কা'না নাইতই' বুলিয়া নাগেলগা।

এসাদে করে C P I দলর লগে গীতিস্বামীর মতানৈক্য ক্রমশঃ বাড়ানি অ'করলো। আকদিন কাঞ্চনবাড়ীর হুধপুরে রাখাল রাজকুমারর ঘরে (রাখাল রাজকুমার উবাকা কাঞ্চনবাড়ীত আছিল) C P I দলর অনেক নেতৃস্থানীয় মানু বহেছি।

শব্দ পেয়া গীতিস্বামী সভাস্থানে গেলগা; কিন্তু তা উপেই
কৌশলি লগে লগে হাবিহান সভান্ত উঠিয়া গেলগা ।
গীতিস্বামী দারুণ ভাবে অপমানিত অ'য়া ঘরে ফিরিল । উতার
কতোদিন পিছে গীতিস্বামী CPI দল এয়া দিয়া বারো
কংগ্রেছে যোগ দিলো ; কংগ্রেছে তারে সদর গ্রহণ করলো ।
এবেদে গোকুলে কংগ্রেছর রূপা খেয়া দল এরা দিলো বলিয়া
বটানি অ'করলো ।

১১। শেষজীবনঃ দেহত্যাগ

এসাদে পরিবেশে মানসিক হুশিহুতা বারো নানা সমস্যার
পীড়িত অ'য়া গীতিস্বামীয়ে লেপকরলোতা — আগরতলার
Assembly Session — এন্ত ফিরানির লগে লগে তা
সপরিবারে বন্দাবনে গিয়া উপেই তার শেষজীবন অতিবাহিত
করতইগা । এমর্মে তা রাধাকুণ্ডর হরেকৃষ্ণ গোস্বামীর মাধ্যমে
যোগাযোগ করিয়া হাবি বাবস্থা একরকম লমকরলো । কিন্তু
দৈবহুবিপাকে তা আর বন্দাবনে যানো ছুবাখলো । ১৯৬২
ইংরাজীর জুলাই মাহার প্রথম দিকে ত্রিপুরার Assembly
Session — এ যোগ দেনার পিছে তা জুলাইর ৭ তারিখে
রথযাত্রার শেষদিনে রাধানগরর কামিনী সিংহর ঘরে খুপাইছিহ
ফাংনা আহানার প্রথম পালাত ইসালপার ভূমিকাত আছিল ।
উতার পিছে তার রক্তচাপ বৃদ্ধি পানাই তারে আগরতলার
V.M. হাসপাতালে ভর্তি করানি অ'ইল । উপেই ফিরারথর
তিন দিন পিছে ১৯৬২ ইংরাজীর ১০ জুলাই তারিখে সেক্কার
সময়ত তা শেষ নিঃশ্বাস ত্যাগ করলো । ঐ সময়ত তার বয়স
অ'ছিলতা ৬৬ বছর । তার মৃত্যু সংবাদে তার প্রতি সম্মান
জানিয়া ত্রিপুরা সরকারে ত্রিপুরার হাবি অফিস আদালত
বারো শিক্ষা প্রতিষ্ঠান বন্ধ দিলো । মৃত্যুর পিছেকার দিনে
সরকারী উদ্যোগে তার মরদহগো কাকমবার্ডিত নেনা অ'ইল,
এং উতার পিছেদ গাওর গিরিগিযানীয়ে সামাজিক রীতি

অনুযায়ী তার মরদেহগো দাহ করল। দাহস্থলে আর ৫০০ মানুষ পুলোহিলা এবং দাহস্থ শেষ পর্যন্ত প্রায় ৩০০ মানুষ আছিল। তার পিছে যথার্থীতি তার শ্রাদ্ধকর্ম করানি অ'ইল। ঐ শ্রাদ্ধের দিনে রাধাকুণ্ডে চিঠি আয়া ফৌজইলহা যে, রাধাকুণ্ডে তা খানার হাবি ব্যবস্থা লময়া আছে।

১২। সমাজের দৃষ্টিত গীতিস্বামী

গোকুলে সামাজিক সংস্কাররকা এলা কীর্তন দিয়া বুললো সময় উহানাত তার এলা, শ্রুত, অনুভূতি প্রবণতা, বাক্পটুতা ইত্যাদির প্রভাবে প্রভাবিত অ'য়া সমাজের ডাঙর অংশ আহানে তা'বে প্রাণ ঢালিয়া শ্রদ্ধা করল। তার এলা'র অংশ উতা প্রবাদর সাদে সমাজের কোণে কোণে প্রয়োগ করানি অ'করল। তা'বে দেছি 'গীতিস্বামী' উপাধি এহান তার প্রতি শ্রদ্ধার নিদর্শন আহান।

আরাক আকবেদে সমাজের ডাঙর দল আহানে তার সমাজদর্শন'র তাৎপর্য না বুজিয়া, এবং আরাক দল আহানে তার প্রতি ইষা'য়িত অ'য়া তার সমালোচনা ব'বো নিন্দালো মুখর অ'ইলা এবং তার ছিদ্র বিছারা বিছারা থাইলা। কাটাখালে অ'কখুঁকম পালানাম করতে কতোগো আকানে তার বিরুদ্ধে প্রতিবাদ আনেয়া পালাহানর হাদিত তা'বে এলা দেনা বন্ধ করল। কুচাড়ীর সভা আহানাত গিরকে এলা আহান দিতে উদ্ধত যুবক আগোই তার এলা উতাত বাবহুত ভাষা উতার গজে প্রকাশ্য সমালোচনা করিয়া এবং কটুকথা মাতিয়া তা'বে অপমানিত করেছিল। গীতিস্বামীয়ে প্রত্যুত্তরে কিতাউ না মাতিয়া ব'বব'র আহির পানি বেলেয়া ছদা কথা আকহান মাতেছিল যে, এতার বিচার করতাইতা ভবিষ্যত'র বংশধরে। কিন্তু পরবর্তী বংশধরে এবাকা পেয়াউ সমাজের এ মানসিকতার বিচার নাকরল।

১৩। গীতিস্বামীর যথার্থ পরিচয়

গোকুলানন্দ গীতিস্বামীর প্রাথমিক পরিচয়হান 'গোকুল কীর্তনী'। এবাকা পেয়াউ 'গোকুলানন্দ' বা 'গীতিস্বামী' বুললে অনেকে তারে না চিন্তারা ' তারে চিন্তারা তা 'গোকুল কীর্তনী' বুললে। এহানর কারণহান এহান যে, গোকুলানন্দ গিরকর যুগ উহানর আগে, অর্থাৎ বিংশ শতকর তৃতীয় দশকর আগে বি, ম, ভাষালো এলা বা কীর্তন দেনার কোনো প্রচলন নেইছিল; এ ভাষালো এলাকীর্তন আবন্ত অ'ইলতা তার যুগ উহানান্ত। ঐ পইলাতার যুগ উহানাত যে দুগো-তিনগো গিরিগিধানীয়ে এলা বা কীর্তন দিলা, উতার ভিতরে গীতিস্বামীয়েই একমাত্র গিরকগো, য়েগোই তার গীতিয়া গেয়া গেয়া সমাজর হাবি অকল ভ্রমণ করলো এবং তার গীতিকালো সমগ্র সমাজর দৃষ্টি অকর্ষণ করে পালে।

গীতিস্বামী গিরকর দ্বিতীয় পরিচয়হান— 'বি. ম. সাহিত্যর প্রথম সার্থক লেখকগো'। গীতিস্বামী গিরকে সাহিত্য রচনা করলো সময় উহানাত তার মুণ্ডে বি, ম, সাহিত্যর কোনো রূপ বা নিদর্শন অহান নেইছিল; সম্পূর্ণ শূন্য ভূমি আহানাত গিরকে তার সাহিত্য-সৌধগো রচনা কবাত আঁত দিয়াছিলতা। উহানে গিরকরাঙতো আমি উন্নত ধরনর সাহিত্য দাবী করে সুরারিয়ার। তৎসবুটে ঐ শূন্য ভূমিত গিরকে যে সাহিত্যসম্পদ সৃষ্টি করিয়া গেছেগো, উতাই নিঃসন্দেহে তার সাহিত্যপ্রতিভার পরিচয় দেয়, যেহান আমি তৎকালীন কোনো সাহিত্যিকরাঙতো নাপেরার। উহানে বি. ম. সাহিত্যর ক্ষেত্রে গীতিস্বামীয়েই প্রথম সার্থক স্রষ্টাগো।

গিরকর তৃতীয় পরিচয়হান — 'সমাজ-সংস্কারকগো হিসাবে। গিরকে যেসাদে সমাজ-সংস্কার এহান অবশ্য করণীয়হান নিউকরিয়া এলার মাধ্যমে তার ভাবধারা বা সমাজ-

স্বর্গন প্রচার করে করে সমগ্র সমাজের কোণে কোণে পরিভ্রমণ করলো, উসাদে আর কুনোগোরো না করেছি ।

গোকুলানন্দ গিরকের তিনোহান পরিচয়র ভিতরে বস্তুতঃ এ তৃতীয় পরিচয় এহানেই তার যথার্থ পরিচয়হান । তার সমস্ত এলা, রচনা বা কার্যকলাপর ভিতরে ধ্বনিত অ'ছেতা ইমে সুর অ'কগো ; সুর উগো অ'ইলতাই, বি, ম, সমাজ এহানের অশিক্ষা, কুসংস্কার, দারিদ্র, আত্মপ্রত্যাহীনতা ইত্যাদির ঘোর অন্ধকারেত্ত মুক্ত কণিয়া মিঙালর দেশে নিয়া যানা — অনান্য উন্নত জাতর লগে জাত এহানের সমান অ'সনে বহা দনা । গিরকে এলা বা কীর্তন দিয়াবুললোতা, গায়ক বা কীর্তনী হিনাবে প্রতিষ্ঠা লাভ করানিরকা নাগই ; তা এলা দিলোতা — জাত এহানের অন্ধকারেত্ত মিঙালে নিয়া যানার সমাজর অন্ধ-সংস্কার হাবি দূবেই করিয়া সমাজ এহানের শুক, নির্মল বরানির — প্রবল আকাঙখালো । গিরকে পদাবলী বা কীর্তন রচনা করলোতা ভগবৎ প্রেমে মাতোরারা বা গদগদ অ'রা নাগই ; তা কীর্তন ইকরলোতা বি, ম, ভাষালো কীর্তন দেনা যাকরের উহান প্রমাণ করানিরকা বাবো জাত এহানের কৃষ্টিবে ম'তৃত্বাভিতিক করানিরকা । ঠিক উ'দ, গিরকে সাহিত্যরচনা করলোতা ট স্বতঃ স্ফূর্তভাবে নাগই — সাহিত্যিক হিসাবে সমাজে প্রতিষ্ঠা লাভ করানিরকাউ নাগই ; তার সাহিত্য প্রয়োজন ভিত্তিক । প্রয়োজনহান ইমে আকহান — এ সমাজর সংস্কার করানি, বাবো এ ভাষালো হাবি ধরনর সাহিত্য করানি যাকরের উহান প্রমাণ করানি । গিরকে এলা-কীর্তন দিয়া বা নাটক-অভিনয় কণিয়া বুললোতা এ একই উদ্দেশ্য । গতিকে গীতিস্বামীর যথার্থ পরিচয়হান — 'সমাজসংস্কারক' রূপে ।

গীতিস্বামী গিরকে সমাজ - সংস্কার বা সমাজ আগরণর উদ্দেশ্যে বিষ্ণুপ্রিয়ারে হুসুবেইলো কথা উতার সারমর্মহানি

এছানি — (১) অর্থোপার্জন করিয়া জাতের দারিদ্র্যমুক্ত করানি, (২) সমাজে বিদ্যাশিক্ষার প্রসার করানি, (৩) জাতের সম্মান রক্ষা করানি, (৪) ইমাইন্দোলর বা নারিজাতির সম্মান রক্ষা করানি, আরো (৫) দলাদলি দূরেই করিয়া সমাজে একতা আনানি।

অর্থোপার্জনের কথা মাতে গিয়া গীতিস্বামী গিরকে কৃষিকর্ম যথাযথ ভাবে করানি, আরো ব্যবসা-বানিজ্য এবং কুটির শিল্পে দৃষ্টি দেনার পরামর্শ দেছে। গিরকে বিশেষ ভাবে মাতেছেতা বয়নশিল্প অর্থাৎ পুতি-বুনানির শিল্প এহানরে পুনরায় জাগ্রত করানিয়, কথা।

শিক্ষার অভাবেই জাত আহানর পশ্চাৎদ অ'য়া থান'র প্রধান কারণহান। অন্য জাতের মুণ্ডে নিজর ভাষা কুটিলো মূব তুলিয়া উবা অ'নির অক্ষমতা, ছোটো খাটো বিষয়লো সমাজে বিরাট বিরাট দলাদলির অবতারণা ইত্যাদি হাবিতার অন্তরালে আঁছেতা—এ শিক্ষার অভাব। উহানে গীতিস্বামী গিরকে শিক্ষার গজে মিয়াম কর্তৃক অ'রোপ করেছেতা।

জাতের সম্মান রক্ষা করানির কথা মাতে গিয়া গিরকে নিজর জাতের পুঁথাক, জাতীয় 'কুষ্টি' ইত্যাদিলো সগে রবে জগতর বৃকে নিজর পরিচয় দেনারকা আহ্বান করেছে।

নারী জাতির সম্মান রক্ষার কথা মাতে গিয়া গিরকে আমার ইম-ইন্দোলরে বাজারে না কাকরানির কথা মাতেছে। বস্তুতঃ বাজারে না কাকরানি উহান গিরকর আসল বক্তব্যহান নাগই; সময় উহানাত বাজারে গেলেগা আমার ইম-ইন্দোল এতা অন্য জাতবাঙ মিয়াম ছর্কাঙ অ'ইলা আরো, তানুরে বাজারে না কাকরানির কথা মাতেছেতা।

বি. ম. সমাজে অপ্রয়োজনীয় ছোটোখাটো ব্যাপারলো যে প্রচণ্ড দলাদলির সৃষ্টি অ'র, উতার বিরুদ্ধে গীতিস্বামী গিরকে তীব্র ভাষালো আক্রমণ করিয়া জাতের ভিতরে একতা

আনানিরকা গিরকে ভাষণ, এলা বারো নাটকর মাধ্যমে তার বাণী প্রচার করলো।

গীতিস্বামী গিরকর বক্তব্য এতাদৃশ পরিস্কার অ'র যে, বি.ম. জাত এহান কতিহান নিয়ন্তর পড়িয়া আহি. উহান তা মর্মে মর্মে অনুভব করেছে, যেহান বর্তমান কালর অত্যন্ত উচ্চশিক্ষিত গিরিগিথানীয়ে পেয়া হার নাপেয়া কথার কথায় 'এতাপারা ডাঙর জাত এহান' বুলিয়া নিলজ্জভাবে উল্লেখ করতারা। এ যুগন্ত জাত এহানাত গীতিস্বামী গিরক আকখুলাগো হাবির আগে আহি মেলিয়া জাত এহানরে জাগানিরকা বুলিয়া আশ্রাণ চেষ্টা করে গেছেগাতা। উহানে গিরকে মাতেছে — “বারা বুলিয়া বুলিয়া হাবিয়ে থাইলা ঘুমজিয়া। গোকুল কোঁচাই বাছা লুঝারিয়া 'কা' 'কা' করিয়া রুহানি।” ইত্যাদি। কিন্তু গিরকে জাত এহানরে জাগা লুঝারিয়া গেলগা, যদিও তা আশা পোষণ করিয়া গেছেগা যে, আকদিন না আকদিন জাত এহান অবশ্যই জাগতাই। জাত এহানর ও জাগরণর দিনে যে আনন্দর ধারা প্রবাহিত অ'ইতই. ও আনন্দর বিন্দু আগো থ'ইলেও উপভোগ করামির আশা গিরকে পোষণ করিয়া গেছেগা — “ভাগ্যালক্ষী পেইলে, হাবিয়ে বাটিয়া খেইলে, গোকুলরে না থয়ো চৌবেয়া।”

পরিশিষ্ট

গোকুলানন্দ সিংহ গীতি স্বামী গিরকর সহস্রে
ইকরা জীবনীহান :-

:— জন্ম ও শৈশব জীবন :-

১৮১৮ শকে অগ্রহায়ণ মাসে ।

জিং সিলেট, মাধবপুর, পং ভানুগাছে ॥

আমৃতলার গর্ভে পণ্ডিত ভৌবার ঔরসে ।

লভিলু জন্ম অতি দরিদ্রের বাসে ॥

শিক্ষা হেতু পিতা মোর দিল পাঠশালে ।

নিম্ন বাংলা পাশ করা হ'ল সেই স্থলে ॥

ভারপর ইংরেজিতে শিক্ষা তার তরে ।

পাঠাইল ত্রিপুরার কৈলাসহরে ॥

ক্রমে ক্রমে অষ্টমেতে করি পদার্পণ ।

মনেতে ভাবনা এক হ'ল উদ্বীপন ॥

পিতা মোর ছিল স্ত্রানী নানা দাস্ত্র পড়ি ।

অর্থকারী বিদ্যা হেতু আমি কেন মরি ॥

সংস্কৃত চতুষ্পাঠি আগরতলায় ছিলাম ।

সরকারী সাহায্যেতে পাঠারম্ভ হ'ল ॥

অদা মধ্য পাশ করি উপাধির বেলা ।

অর্দ্ধ পথে রাখি পিতা স্বর্গে চলি গেলা ॥

মৃদুকালে পিতা মোর না হ'ল দর্শন ।

পিতৃকার্য্য হেতু গৃহে ফিরিতু তখন ॥

—: সমাজ জীবন :-

পিতৃকার্য্য সমাধিরা যাইতে চাহিলে ।

ভ্রাতৃগণ ঠেকাইল বিবশ জঞ্জালে ॥

তিন ভাই আছি মোরা এবে হ'ব পর ।

যার বা সম্পত্তি নিয়ে মুখে কর ঘর ॥

- এত বলি পিতৃস্বত্ব বিভাগ করিল ।
 ভাই ভাই ঠাই ঠাই তখনি হইল ॥
 সমাজজীবনে মোর দি বিবাহ হ'ল ॥
 একমাত্র মেয়ে আর সন্তান না হ'ল ॥
 পুত্রের সংসার দেখি বৃদ্ধ মাতা মোর ।
 আশীর্বাদ দিয়া আঁখি মুদে চিরতর ॥
 যা লিখেছি অল্প কিছু কাজে লাগাইতে ।
 খুলিছু আইমারী এক বিনা বেতনেতে ॥
 সাত বৎসরে ক্রমে ক্রমে বহু ছাত্র হ'ল ।
 সরকারের হস্তক্ষেপ তখনি হইল ॥
 চাকুড়ীতে নাহি মন সমাজ সেবায় ।
 তিন দিনের বিদায় নিয়া তিন নাম কাটাই ॥
 ইকল পট্টাব তিন মোর ইংরেজীর গুরু ।
 বকা দিয়া পুন নিকা করাইল সুরু ॥
 এইভাবে কাটাইলু বৎসর যে অষ্ট ।
 মোর বন্ধুবর এক না করে বরখাস্ত ॥
 মিতাই বন্ধু মোর করিল বরখাস্ত
 পরাবীন কত নহে সুখের জীবন ।
 এইরূপে শিক্ষাদান করি সধাপন ॥
 কর্মহীন জীবনেতে বাড়ে চিন্তাশ্রাত ।
 সাপ্ৰদায়িকতা ভাব জাগিল হরিত ॥
 জাতীয়তা বোধ মোর জাগে নিরন্তর ।
 মসিপুত্রী জাতি কেন এত অবসর ॥
 শৌর্য্য বীৰ্য্য সরলতা সদা বিদ্যমান ।
 জাতিকে ক্ষত্রিয় আর একে ধর্ম্মপ্রাণ ॥
 স্বাবলম্বী স্বাহাবান আর বিলাসিতা ।
 কোন অংশে হেয় নহে তবু পরাজিতা ॥

খুঁজিতে লাগিলু মনে ইহার কারণ ।
 সন্ধান পাইলু মূল ২টী কারণ ।
 শিক্ষার অভাব আর পরানুকরণ ।
 এতটাই হ'ল এই জাতির পতন ॥
 কণ মাত্র সমাজের করিতে উপকার ।
 রচিলু নাটক স্বমাতৃভাষার ॥
 সমাজ-সংস্কার আর মাতৃমঙ্গল নাম ।
 মোহিনী, বেশ, মান, মাথুর আর কীর্তন ॥
 এই সব সমাজেতে করিতে প্রচার ।
 চল্লিশ ইংরেজীতে আমি হই ঘরের বার ।
 গ্রামে গ্রামে গিয়া বলি ছাত্রদের প্রতি ।
 পঞ্চগুণে গুণী হও ওহে শিশুমতি ॥
 কাকবাক্ বক ধ্যান স্থান নিদ্রা তার ।
 অল্লাহারী জিতেদ্রিয় এ পঞ্চ প্রকার ॥
 পশু পক্ষী জীবজন্তু আর যে মানুষ ।
 সবা হতে গুণ শিখ না শিখিও দোষ ।
 ন্পষ্ট বাক্যকাক পাখী বিষ্টা নাই মানা ।
 ত্রিগুণ কুকুরে কিন্তু মা বোন চিনে মা ।
 লক্ষ্য স্থির রাখে বক ব্যাধ নাহি দেখে ।
 বিঘ্নভাস তেন মতে লক্ষ্য স্থির রেখে ॥
 বহুগুণে গুণে গুণী দেখ প্রকৃত মানব ।
 দোষাধিকা যেইজন সেই সে মানব ॥
 সামাজিক দীর্ঘনীতি রক্ষা যে করিবে ।
 মজুবা অন্তেতে হয় প্রতিপন্ন হবে ॥
 আচারে ব্যভারে পরিচ্ছদে অলঙ্কারে ?
 বৈক্যব কত্রিয় গন্ধর্ব্ব যে অনুসরে ॥

সে জাতি কখনও নহে অসভ্য সমাজ ।
 বক্ষিতে আপন কৃষ্টি ইথে কিবা লাজ ॥
 কাক পক্ষ চিত্র হলে ময়ূর পাখায় ।
 কাকের যে ভক্ষ্য বিষ্টা কভু না ছড়ায় ॥
 কোকিলও কাকে দেখে প্রায় সমতুল ।
 কাকভোগ্য বিষ্টা হয় কোকিল মুকুল ।
 ময়ূরের শিখা কভু কাকে না গজাবে ।
 অর্দ্ধ কাক অর্দ্ধ শিখা বর্ণ শঙ্কর হবে ॥
 গাধায় ঘোড়ায় মিলি জেত্রা প্রসবয় ।
 মা হইল ঘোড়া গাধা ভিন্ন জাতি হয় ॥
 অতএব শিশুগণ শুন দিয়া মন ।
 যার যে আপন কৃষ্টি বক্ষ প্রাণপণ ॥
 পরের ভদ্রতা শিখি যে লজ্জা পাইনু ।
 উদাহরণ রূপে হেথা কিছু নে লিখিনু ॥
 মো'র কন্ডা স্বামী গৃহে দিবার লাগিয়া ।
 সন্তু 'নলু ব্রাউজ জুহু সাড়া পরাইয়া ॥
 মা ছিল সিখায় সিন্দূর কপালে চন্দন ।
 কানাকানি করে অন্যো দেখে দুইজন ॥
 টের হতে আমি মো'রা গেট পাশ করে ।
 চালিনু পিছনে শুনি মুহু মুহু স্ববে ॥
 'দেখ'ছ নিবা মণিপুরী ভদ্রতা শিখিল ।
 তারার হিতা বাদ্ দিয়া বাঙ্গালী হইল ॥
 মনে মনে তারি যেই একথা শুনেছি ।
 পৃথ্বি তুমি দ্বিধা হও, তোমাতে প্রবেশি ।
 নে বেশে যাইতে আর চরণ না চলে ।
 হেট মুখে বসিলাম এক বৃক্ষ তলে ॥
 টিটকারী করেছিল যেই যেই জন ।
 তারা গেলে ধীরে ধীরে করিনু গমন ॥

শপথ করিহু আমি হতে সেই দিন ।
 আর না করিব আমি পরানুকরণ ॥
 অতএব স্বধন্য নিধনঃ শ্রেয় গীতাবাক্য ।
 পরধন্য ভয়াবহ দিহু তার সাক্ষ্য ॥
 বামেতে মহিষ মারে শৃগাল দেখিয়া ।
 এক মহিষের লেজে ধরে কামড়িয়া ॥
 দেখিয়া মহিষ তারে দিল এক লাথ ।
 ঘুচাইল চিরতরে মোষ খাওয়া সাধ ॥
 নীল শৃগাল জাতি মধ্যে রাজা হয়েছিল ।
 জাতীয় স্বভাব দোষে বিতাড়িত হল ॥
 ঘুতা খায় যার তার সনে করিয়া সাহস ।
 সেইত মানুষ নহে কলির বাকস ॥
 যার যা খাদ্য তাহা যোগাইয়া দিবে ।
 এইভাবেই ভ্রাতৃত্ব হৃদে জাগাইবে ॥
 দশ ও দেশের স্বার্থ যবে ছাষি হবে ।
 জাতিবর্ণনিবিশেষে ক্রমে দাঁড়াইবে ॥
 এইত ভ্রাতৃত্ববোধ আর যে দেশাত্ম ।
 এক খাদ্য খেলেই নহে অগ্রগতি পথ ॥
 দেশাত্ম ভ্রাতৃত্ববোধ গুণ শিখ শিশু ।
 এই গুণ নাই যার সেই নয় পশু ॥
 অগ্রগতি অগ্রগতি করিলে চিৎকার ।
 না হবে উদ্ধার মিলি সে হেন অপার ॥
 অগ্রগতি পথে দেখি জাতি আর খাদ্য ।
 আমি বলি কোন মতে নাহি করে বাধ্য ॥
 দেশাত্ম ভ্রাতৃত্ববোধ লোকে না জাগিবে ।
 পরস্পরের বমি খেলেও কিছু নাহি হবে ॥

শিক্ষার কারণ নহে কে বলে চাকুরী ।

জাতি ধর্ম পরিহিত যদি নাহি করি ॥

ইত্যাদি সমাজে আমি করিছু প্রচার ।

শ্রম সার্থক, যদি হয় কণ উপকার ।

কেহ হল বাদী তাতে কেহ বা বিবাদী ।

পূর্ণ মনোরথ মোর নাহি হল সিদ্ধি ॥

অতঃপর গতিহীন সমাজ গড়িতে ।

আরম্ভ করিছু আমি ৫০ ইংরেজীতে ॥

সে অবধি সাম্যবাদ করি প্রচারণ ।

সবাকার হিতে মোর সদা প্রাণপণ ।

এখন বয়স মোর ৬৪ বৎসর ।

পোষ্টাকিস রাতাছড়া কাঞ্চনবাড়ী ঘর ॥

স্বাধীনতা করি একে কাউন্সিলেতে যাই ।

শাক্ স্বাধীনতা মাত্র কাজে কিছু নাই ॥

স্বপ্ননে দলের স্বার্থে কৃত যত্ন সবে ।

ভাবি শুধু কবে হয় এদিন ফিরিয়ে ॥

বন্ধুঘর আছে যারা সমাজসেবায় ।

লিখিছু মোর জন্ম কর্ম তাদের আজায় ॥

সমাজ সেবক বলি যদি দেয় স্থান ।

চিরকৃতজ্ঞতা পাশে বিলাইব প্রাণ ॥

১৮৮২ শক ৩০ বৈশাখ মাস ।

জন্ম শব্দক আমি করিছু প্রকাশ ॥

গীতিস্বামীর স্মরণীয় উক্তি

- ১। কালে কালে কালর কথা
নাছনানি নাকয়ের
জিগোই বনহান পুড়ে আনলে
কাচাই মজাই নাধরের ।
- ২। অজ্ঞান আধারে মা ঘুমিতাই কতি !
উঠো আজি হাবিহান,
আলিয়া চেই জ্ঞানর বাতি ।
- ৩। কার কাজে কাহুরিতা
অক:গায়ো হার নাপেইলা
হবার কাজে মাততেগাত্তে
আরাক আহান নিওকরলা ।
- ৪। জেলা এতা কি বস্তুহান
হার নাপেইত্রাতাং
দেশে পণ্ডিত নেইতা ?
- ৫। বিদ্যাবেলা বেলেই; হাবিয়ে বিদ্যাবেলা বেলেই;
গিরস্তিহে জবর বরো
মনিপুরীরাও বাখালহান নেই ।
- ৬। শাস্ত্র মাতের বিদ্যা এতা অর্থকরী নাইলে
নাওহান পেইবে, ভাত না খেইবে,
শাস্ত্রর কথা মিছা নেই ।
- ৭। তুবা জিনার গিদেই গিরক !
খাল করিয়া চেইতা চেই ;
আগোর হুখ আগোই হার নাপেইল
হেইমাক অ'নির কামো নেই ।
- ৮। সবদার নাগোই দরবারর দৌ
জিয়ার বুলাও এতা;

হুগোই আগোই হিঙ ধায়েয়া

গাঙ পাচকরত করতা ।

৯। বরাবালাই দেশ মেইলা;

আকতার গজে আকতা পিথিয়া

লেইরাপা হাবি পাতালে গাড়লা ।।

১০। আজি কালিকার পুরীভেলেই মো

লাজহান কিহান হার নাপেইলা;

গঠন গঠন ফিজল করতে

কামহুমেতে আককুণে থইলা ।

১১। কতিও তলইলাঙতা, আমি কতিও তলইলাঙতা ।

ততানি ওখান পেয়া ঘরে আকতা, বারে আকতা ।

১২। স্বাক্ষার গাঙ মাদইগাঙ বেলেই,

হাবিয়ে বিষ্ণুপ্রিয়া বুলেই,

আমি হাবি কত্রিয়-সন্তান ।

আজি হিংসা বেলা বেলেই,

নিঙোল আঙনা-আঙনি কয়েই—

আকতা অ'নির এহান উপায়হান ।

১৩। ধন, বিদ্যা, সম্মান, হাবিয়ে আকতা অ'নি

এ চারিহান নান্না নাহব হুখর রাতি পুহানি ।

১৪। বরা বুলিয়া বুলিয়া হাবি থাইলাঙ ঘুমজিয়া;

গোকুল কোঁরাই বাছা নুরারিয়া 'কা'-'কা' করিয়া রুহানি ।

কোঁরাই রৌনি অ'করলেতে

দল নাইল রাতি পুহানি ।

বরদেই বরদেই গিরিগিথানী ।

১৫। ভাগালক্ষী পেইলে

হাবিয়ে বাটিয়া খেইলে

গোকুলরে না পয়ো চৌবেয়া ।

தேவநாபுரி கல்வெட்டு

1. 1970-1971

53. কাল কাল কাল : ১৭৫০ খ্রিঃ ১১০১১১১১ ১৬

॥ श्रीगणेशाय नमः ॥

11-1982/12 1982/12 1982/12

ମିତ୍ର ଶ୍ରୀରାମଚନ୍ଦ୍ର ଶତ୍ରୁଘ୍ନ ଶ୍ରୀମତୀ ୧୦୮

1951年10月1日 1951年10月1日 1951年10月1日

ਅੰਤਰਿਕ ਸ਼ਕਤੀ ਸੰਗ੍ਰਹਿ ਸੰਗ੍ਰਹਿ

1. 1963-1964-1965-1966

ମାଧ୍ୟମିକ ଶିକ୍ଷା ବିଭାଗ, କଟକ, ଓଡ଼ିଶା । ୧୧

[illegible]

1961

1. 4. 1954-1955 (1954-55) 1954-55

संस्कृत-प्रमाण-संस्कृत-संस्कृत

— ११५ —

1. ନିର୍ଦ୍ଦେଶିତ କାହାଣୀ ନାମ ଦିଅ । (୨୫)

206

। निम्नलिखित कथन पढ़िए और सही उत्तर चुनिए ।

1950-51 100 100

1. ଆନୁଷ୍ଠାନିକ 'କି'-କି ପ୍ରଣାଳୀରେ ଗ୍ରାମ ସ୍ତରରେ ସହକାରୀ

ॐ नमो भगवते वासुदेवाय

1. பிரதான குறிக்க நபர் : ம. க. கருணாநிதி

१. मित्राणां मित्राणां मित्राणां मित्राणां

ଅନୁଷ୍ଠାନ ସମୀକ୍ଷା : ୨୮

॥३६॥१॥ इति श्री भगवद्गीता

1. 1870-1871 1872-1873 1874-1875

